

Apòkrifë – 23 (Wòłtarze stroją na Bòzé Cało)

Wòłtarze stroją na Bòzé Cało

Lëdze na Bòżą chwałã

Chcemë jic achtnąc Jezësa Pana

I wëkùknie wies całò

Wińdą na drodze mòłi i wiòłdzi

Wëzdrzą òbrazë żéwé

Hewò Bóg przëszedł, nen Bóg pròwdzëwi

W biédze ùlżëc, co mǎczy

Bǎdze kòzanié i Pater Noster

Kòlana wiarą zdzarté

Zabrzmi „Te Deum” diszkantã zmiartim

Chwila bez gòrzu, złoscë...

A czedë wòłtòrz rozbierzã, wrócã,

Dze wszëtczé dzënné sprawë

Do grillów, kùcha, z pòrénkã kawë

A z telewizją zmùdzã

Zòs w jinternetach wielno słów krzëwëch

Ten taczi a ta takò

Znowù na rząd, robòtã pòstãkò

„Lewi” strzëlnął – sǎ ceszi

Niedzele przinądą, pòsobné swiãta

Bë òblec ruchna lepszé

Złozimë rãce do chwalbë piesni

Za zlé mdze kania scãtô

Tómk Fópka, Bòzé Cało, 15 czerwińca 2017 rokù, gòdz. 13.00